

**Sɛwɛ kɔŋgbanna ŋa
PYERI
wɪla yɔnlɔɔ ma torogo
Sɛwɛ wi nawa sɛnrɛ**

Zhezu wi pitunɔ Pyeri wo wɪla ki sɛwɛ ŋa wi yɔnlɔɔ maa torogo. Pyeri wɪla pye Zhezu wi pitunmbolo kɛ ma yiri shyen mbele wɪla wo wo wa. Pyeri wo pàa pye na jate pe ni ma wɛ. Pyeri mɛgɛ ki yɛn Girekiye sɛnrɛ ni, ki kɔɔ wowi ŋa walaga. Zhezu wo wɪla Pyeri mɛgɛ ki taga wi na. Eburuye sɛnrɛ ti ni wi mɛgɛ ko layi ŋga Simɔ. Pyeri wɪla pye Galile tara fɛnnɛ woo ma yiri wa Betisayida ca (Zhan 1.43). Pyeri wo naa wi nɔsepyɔ lenaŋa Andire wi ni pàa pye ŋgbanra wɔfɛnnɛ wa Galile logbɔɔ ki ni. Ɛɛn fɔ, naa Zhezu wɪla kaa pe yeri ma yo pe pye wi fɔɔɔfɛnnɛ, a pɛ si ŋgbanra wɔmɔ pi yaga mɛɛ taga wi na. Naa pàa kaa Zhezu wi gbo, a wɪ yɛn ma yiri, ma kari wa yɛnɲɛlɛ na, Sentanra nda ti yɛn na para wi wogo na, a Pyeri wɪ siri yari wa Zheruzalɛmu ca, naa wa Zhude tara konaa wa Samari tara. Mbe yala kalɛgɛ ki yɛn na ŋga yuun ki ni, Pyeri wɪla kari fɔ wa Ɔɔmɔ ca. Pa pàa wi gbo wa; pàa wi kan tiparaga na maa gbo.

Laga ki sɛwɛ ŋa wi ni, Pyeri wɪgi yo we kan ma yo Siliven ŋa pe yinri Silasi wo wɪla ki sɛwɛ ŋa wi yɔnlɔɔ wi kan (5.13). Tagafɛnnɛ mbele pɛ gbɔn ma jaraga tara ta yɛgɛ ni, Pyeri wɪla sɛwɛ wi yɔnlɔɔ maa torogo poro kan. Nala pa ki tara ti yɛn wa Turiki tara ti ni (1.1)

Ki sanga wi ni tagafenne mbele pàa pye wa ki lara ti ni, pàa pye na pe jòlò fò jẹngẹ. Ko kala kì ti Pyeri wila ki sẹwe ɲa wi yonlògò mbe kotogo kan pe yeri.

Wa sẹwe wi go (1.2-12) laga ki ni, Pyeri wi yèn na tagafenne pe nawa tuun fò Yennẹle li yaa ka pe shò, konaa li kòrògò tẹge pe kan wa yennẹle na. Pe yaa ka ki kòrògò ki ta, na Zhezu wiga ka songòrò mbe pan pilige pũngo wogo ki na we. Ki kala na, na kanɓanra ka gbòn pe na, pe daga mbe yere jẹngẹ wa tagawa pi ni.

Wa sẹwe wi go (1.13-2.10) laga ki ni, Pyeri wi yèn naga yènri tagafenne pe yeri paa pe yinwege ki piin ki pye kpoyi.

Wa sẹwe wi go (2.11-4.9) laga ki ni, Pyeri wi yèn na pe yènriɓbanga yènri fò pe tangalomò pi pye jembe wa mbatagambala pe sògòwò konaa poro yee jate pe yee sògòwò. Pe daga mbaa Kirisi wi forogi, wo ɲa wì jòlò ali maga ta wii kapege kpe pye.

Wa sẹwe wi kosaga (5.1-14), Pyeri wi yèn na yerewe kaan tagafenne poro naa yekeele pe yeri, konaa ma sharaga jènri taga wa.

Sẹwe wi yèn ma kòonlò yegẹ ɲga na

Sẹwe wi lesaga senre konaa sharaga 1.1-2

Shòwò pi yèn na jigi tagasaga ɲga kaan 1.3-12

Tagafenne pe yinwege ki daga mbe pye kpoyi
1.13-2.10

Tagafenne pe tangalomò wa mbatagambala pe
sògòwò 2.11-4.6

Tangalomò wa gbogolomò woolo pe sògòwò
4.7-5.14

*Sewe wì torogo mbele yeri
konaa pe sharaga*

¹ Mi Pyeri, mi ña mi yen Zhezu Kirisi wi pitunño, muwi mila ki sewe ña wi torogi yoro mbele Yenñele li wò ye kan, yoro mbele yè jaraga ma pye nambanmbala wa Pòn, naa Galasi, naa Kapadòsi, naa Azi konaa Bitini kindaye pe ni we.

² We To Yenñele li ye wò ma yala ñga làa kòn ma tēge faa ki ni, jaŋgo ye pye li woolo Yinnekpoyi li fanŋga na, yaa Zhezu Kirisi wi senre ti nuru, wi kasanwa pi ye pye kpoyi.

Yenñele sa yinme naa yeyinŋge kan ye yeri ka mbaa tari ti na!

*We jigi tagasaga
ki yen yinwege wogo*

³ Ye ti waa Yenñele li sònni, lo na li yen we Fò Zhezu Kirisi wi To we. Pa li kaa we yinriwe ta jēŋge we, a li si yinwefonŋgo kan we yeri Zhezu Kirisi wi yenme ma yiri wa kunwò pi ni pi fanŋga na. Kì pye ma, jigi tagasaga yinwege wogo yen we yeri.

⁴ A wè si kòrògo ta ñga ki se jògo, ki se cen fyongò ni, ki tiyónwò pi se kò. Kì kòrògo ki yen ma tēge ye kan wa yenñele na,

⁵ yoro mbele Yenñele li yawa pi yen na ye kòròsi, ye tagawa pi fanŋga na fò showò pi sa pan. Kì showò we, Yenñele lùu gbēgele maa tēge mboo naga dunruya kòsanga ni.

⁶ Kì showò pi kala na, ye yen na yògòri fò jēŋge, ali maga ta yinŋò ki daga ye pye yesanga ni wagati jenri ni, wamawelewe cenle legerè nda tila ye taa ti kala na.

⁷ Ti go ko yen mbe ye tagawa pi wa mbe wele, mboo tiyonwo pi jen. Te wi yen yarikogo, ma si yala pe maa wa ma wele wa kason ki ni. Ki pyelomo nungba pi na, ye tagawa mba pi yon ma we te wi na, pe maa wa ma wele, jango pi pye sinmbe. Kiga pye ma, pa ye yaa sonmo, naa gbeme, naa gbogowo ta, na Zhezu Kirisi wiga kaa yee naga sanga na ni we.

⁸ Wi yen ma ye ndanla ali maga ta ye faa yan gben. A ye taga wi na maga ta ye woro naa yaan yingo. Ki kala na, ye nayinme gboo ta na yogori, ki nayinme pi gbogo fo lere se ya mboo koro yo senre ni,

⁹ katugu tagawa pi tonli yoo ta, wo wi yen ye yinngede ke showo we.

¹⁰ Ki showo we, Yenjele yon senre yofenne pa ki lagaja mboo koro jen, ma yewe pi wogo na fo jenge. A pe Yenjele li yon senre yo yarikanga nga li mbaa kan ye yeri ki wogo na.

¹¹ Kirisi wi Yinne na laa pye pe ni, laa kagala ngele naga pe na, pa pye naga ngbanga mbe ke pyesanga naa ke pyelomo pi jen; katugu, faa, ki Yinne laa pye na Kirisi wi jologo wogo ki yari, konaa gbogowo mba wi mbaa ka ta ko punjo na pi ni.

¹² Yenjele laa ki naga li yon senre yofenne pe na ma yo kagala ngele laa kan pe yeri paa yuun, ke sila pye poro kpaw wogolo, een fo, kaa pye yoro wogolo. Ki kagala wele, Sentanra ti yofenne pe ke yari koni ye kan Yinnekpoyi li fannga na, lo na Yenjele li tun ma yiri wa naayeri we. Meregeye poro na, paa ki jaa mbe ki kagala ke yan mbe ke jen.

*Tagafenne pe tangalomo pi daga
mbe pye kpoyi*

¹³ Ki kagala ke kala na, ye ye jatere wi gbegele yoo tɛgɛ. Ye koro yenmbɛlɛ†. Ye ye jigi wi ni fuun wi taga yinmɛ mba pi yaa ka kan ye yeri, na Zhezu Kirisi wiga kaa yɛɛ naga pi na.

¹⁴ Yaa Yenɲɛlɛ li sɛnrɛ ti nuru. Jogo kagala ngele kaa pye ye ni faa maga ta ye yen kambajɛnmbɛlɛ, yaga kaa taanri mbaa yala koro ni.

¹⁵ Ɛɛn fɔ, ye pye kpoyi wa ye tangalomo pi ni fuun pi ni, paa Yenɲɛlɛ na li ye yeri li yen kpoyi we.

¹⁶ Katugu ki yen ma yɔnlɔgɔ wa Yenɲɛlɛ sɛnrɛ sɛwɛ wi ni ma yo fɔ: «Ye pye kpoyi, katugu mi yen kpoyi†.»

¹⁷ Wa ye yenrɛwɛ pi ni, ye maa Yenɲɛlɛ li yinri ye To, lo na li maa kiti kɔɔn leele pe ni fuun pe na, na yala pe kapyere ti ni, laa lere wɔ lere ni. Ki kala na, wa wagati ɲa fuun wɔ koro ye pye laga dunruya wi ni, yege naga wa ye tangalomo pi ni fɔ ye yen na fyɛ Yenɲɛlɛ li yɛgɛ.

¹⁸ Katugu Yenɲɛlɛ li ye go sho ye tɔnli fu tangalomo mba yɛ ta ye tɛlɛye pe yeri pi ni, paa yɛgɛ ɲga na yɛgɛ jɛn we. Lii ye go sho yaara nda ti ma jɔgɔ to ta ni, paa penjara naa tɛ yen.

¹⁹ Ayoo, li ye go sho Kirisi wi kasanwa sɔnɲgbanga woo po ni. Wo wɔ pye paa simbapyɔ yen, ɲa wi yen tulugo fu naa fyɔngɔ fu.

²⁰ Yenɲɛlɛ làa Kirisi wi wɔ na dunruya wi fa da gbɛn, lùu naga ki wagati pɔnɲgo woo ɲa wi ni, ye yɔnwɔ po kala na.

† 1:13 1.13: *Mbe koro yenmbɛlɛ: Ko yen mbe gbɛgɛlɛ mbe cɛn ki cɛnwɛ.* † 1:16 1.16: Levi 19.2

²¹ Yè taga Yenñele li na wo fannga na. Lo lùu yen maa yirige wa kunwò pi ni ma gbogowò kan wi yeri. Kì pye ma, a yè si ye tagawa naa ye jigi wi taga Yenñele li na.

²² Ye ye nawa pi pye kpoyi kaselege senre nda yè le to ni, ye sefenne pe ta pe ye ndanla sobe ni wa tagawa pi ni. Kì kala na, ye ye yee ndanla jenge ye kotogo ki ni fuun ni.

²³ Katugu yè yinwefonngo ta Yenñele li senre nda ti yen yinwege woro naa kosaga fu to fannga na. Kì pye ma, ye woro to ña wi ma ku wo piile, een fo, ye yen to ña wi se ku wo piile.

²⁴ Kì yen paa yegge ñga na Yenñele senre sewe wi yen naga yuun ma yo fo:

Leele pe ni fuun pe yen paa yan yen.

Pe tiyonwò pi ni fuun pi yen paa yan fyenne yen.

Yan ki ma waga, ki fyenne ti ma kaanla ma toori.

²⁵ *Een fo, we fo wi senre ti yaa koro wa fo sanga pyew.†*

Kì senre to ti yen Sentanra nda paa yo ma ye kan we.

2

*Sinndelege yinwege wogo
naa Yenñele li leele kpoyi wele*

¹ Kì kala na, ye nambewe pi ni fuun pi yaga, naa yagbogowo pi ni fuun, naa kopiire ti ni, naa yenjaga ki ni konaa lesangara senre ti ni.

² Ye pye paa piyengele yen: Yenñele senre nda ti yen paa nono jenne yen, ti la mbaa ye taa paa

† 1:25 1.24-25: Eza 40.6-8

yegε n̄ga na yinriwε la ki ma piyenle li ta we, jan̄go ye kaa w̄o ye le ye show̄o pi ta pew.

³ Katugu yegε n̄ga na we F̄o wi yen ma ȳon, ȳegε jen mako.

⁴ Ye fulo we F̄o wi tanla, wo n̄a wi yen sinndεlegε yinwege wogo. Leele p̄aa je ki na, εen f̄o, Yen̄jele ligi w̄o, a k̄i pye son̄gbanga wogo li yegε na.

⁵ Yoro fun ye fulo wi tanla ye pye paa sinndεere yinwege woro yen. Pe ye t̄egε pe Yinnekpoyi li yun̄gb̄oḡo ki kan, jan̄go ye pye saraga w̄ofennekpoyi, mbaa Yinnekpoyi saara woo Yen̄jele li yeri Zhezu Kirisi wi fan̄nga na, to ti yen ma Yen̄jele li ndanla.

⁶ Ki pye ma, Yen̄jele senre sewε wi yen na n̄ga yuun ki n̄ga f̄o:

*Ye wele, mi sinndεlegε son̄gbanga wogo w̄o,
mi yen naga teri wa Siȳon ca paa go yenle
sinndεlegε kon̄gbann̄ga yen.*

Lere n̄a ka taga ki na wo se f̄ere sh̄o fyew.†

⁷ Ki kala na, ki sinndεlegε ki yen son̄gbanga wogo yoro tagafenne ye kan. εen f̄o, mbele pee taga ki na, ki yen ma ȳonloḡo wa Yen̄jele senre sewε wi ni ma yo f̄o:

*Go wafenne p̄e je sinndεlegε n̄ga na,
ko k̄i pye go yenle li sinndεlegε kon̄gbann̄ga ye.†*

⁸ Ki yo naa wa Yen̄jele senre sewε wi ni laga ka na ma yo f̄o:

*Ki yen sinndεlegε n̄ga ki maa leele kaan pe maa
kunrugu ki na,
ma pye walaga n̄ga ki maa leele jaanri.†*

† 2:6 2.6: Eza 28.16 † 2:7 2.7: Yuuro 118.22 † 2:8 2.7-8: Eza 8.14-15

Pè kurugo, katugu pee yenle mbe taga Yenhele li senre ti na. Pa ki wogo kila kon ma tege pe kan ma.

⁹ Eɛn fo, yoro wo na, ye yen cenle na Yenhele li wo, ma pye Wunlunaja wi saraga wofenne; ye yen cenle na li yen kpoyi ma pye Yenhele li woolo. Li ye go sho, jango yaa li kagbogolo ke yari. Lo li ye yeri ye yiri wa wowo pi ni ye ye wa li yanwa gboo pi ni.

¹⁰ Faa ye sila pye Yenhele li woolo, eɛn fo koni, ye yen li woolo. Faa Yenhele li sila ye yinriwe ta, eɛn fo koni, li ye yinriwe ta.

Yaa tanri paa Yenhele li tunmbyeele yen

¹¹ Na wenne, ye yen nambanmbala ma pye cenfenne laga tara ti na, ki kala na, mila ye yenri fo: Ye ye yee yingiwe jen wire ti jogo kagala ke ni, ke maa malaga gboon ye yinhele ke ni.

¹² Yaa tanri tangalomo jembe na mbele pee sheri pe sogowo, kiga pye ma, ali na pe kaa ye mepege yinri mbe yo ye yen kapege pyefenne, pa pe yaa ka ye kapyere jende nda yaa piin ti yan mbe Yenhele li gbogo ti kala na, na liga ka pan pilige nga ni we.

¹³ Leele mbele pe yen fannga fenne, yaa pe fannga ki ni fuun ki gbogo we Fo wi kala na. Yaa wunlumbolo to wi gbogo, wo nga wi yen ma cen fannga fenne pe go na we.

¹⁴ Yaa gboforoneriye pe gbogo, poro mbele wunlumbolo to wi tun pe saa kapere pyefenne pe jolo paa kajege pyefenne pe sonni we.

15 Nga Yennɛle li yen na jaa koyi nga fo leele mbele pe yen kambajɛnmbɛle ma pye lembire, ye pe yɔnrɔ ti tɔn pe na ye kajɛnge nga yaa piin ki ni.

16 Yaa tanri paa leseele yen, konaa ki ni fuun, yaga ka ye lesewe pi le mbaa kapege ki piin larawa. Ɛɛn fo, yaa tanri paa Yennɛle li tunmbyeele yen.

17 Yaa leele pe ni fuun pe gbogo, ye tagafenne yɛɛnle pe ye ndanla. Yaa fyɛ Yennɛle li yege, yaa wunlumbolo to wi gbogo.

Kirisi wi jɔlɔɔ ki yege nagawa

18 Yoro tunmbyeele wele, yaa ye teele pe senre ti nuru yaa pe gbogo jɛnge. Teele mbele pe yen jembele ma pye kotoyinɛge ni, yaga kaa poro nunɔgba gbogo, ɛɛn fo, ali mbele pe yen nambewe fenne fun o;

19 katugu jɔlɔɔ nga kii daga lere wi jɔlɔ, na wi kaa ki jɔlɔ mbege kun wi yeɛ ni Yennɛle li yege fyere ti kala na, ki wogo ki yen ma yɔn.

20 Na paga ye gbɔn ye kapere pyege kala na, a yege kun ye yeɛ ni, yinɔi sɔnmɔ ye yaa ta wa ki wogo ki ni? Ɛɛn fo, na ye kaa jɔlɔ ye kajɛnge pyege ki kala na, a yege kun ye yeɛ ni, ki wogo ki yen ma yɔn Yennɛle li yege na.

21 Ko mɛge ki ti Yennɛle li ye yeri, katugu Kirisi wo jate wi jɔlɔ ye kala na maga yege naga ye na, jango yaa tanri wa wi tuuro ti ni.

22 *Wi sila kapege kpe pye, yagbogowo senre kpe sila yiri wa wi yɔn†.*

† 2:22 2.22: Eza 53.9

²³ Naa pàa wi tɛgele, wi sila ki tɛgele li songoro pe na. Naa pàa wi jolo, wi sila senngbanra yo mbe wa pe na, ɛɛn fɔ, wila wi yɛɛ le Yenɛɛle li keɛ, lo na li maa kiti sinɛe koon we.

²⁴ *Kirisi wo jate wi we kapere ti le wi wire ti ni wa tiparaga ki na, jango waga kaa we yinwege ki piin naa wa kapege ki ni, ɛɛn fɔ, waa we yinwege ki piin ki sin Yenɛɛle li yɛge na.*

Yɛ sagala wi gbɔnro tuuro to fanɛga na.†

²⁵ Yaa pye paa simbaala yen, mbele pɛ punɔgo na yanri faa. ɛɛn fɔ koni, yɛ songoro ma pan Kirisi na wi yen ye yinɛgele ke konrifɔ konaa ke welefɔ wi korɔgo.

3

Japɔrɔwo naa nambɔrɔwo senre

¹ Yoro jɛɛle wele fun, yaa ye penɛ pe senre ti nuru, jango pe ni, na mbele si taga Yenɛɛle li senre ti na, ye tangalɔmɔ pi kala na, pe taga Kirisi wi na, kiga ka pye senyoro ni;

² katugu ye tangalɔmɔ pi yen kpoyi ma pye leelee gbɔgɔwo† ni yɛge nga na, pe yaa ki yan.

³ Kii daga ye yɛɛ ferewe pi pye wire to woo, ko yen fɔ: Yimbɔgo, naa tɛ lege naa paara tiyɔnro pɔgo.

⁴ ɛɛn fɔ, ye yɛɛ ferewe pi daga mbe pye wa ye nawa, mbe pye ferewe mba pi se jɔgo, ko yen fɔ mbe pye kotoyinɛge ni konaa mbe pye pɔw. Po pi yen sonngbanga woo Yenɛɛle li yɛge na.

† 2:24 2.24: Eza 53.5 † 3:2 3.2: Pe tangalɔmɔ pi mbe ya pye mbaa Yenɛɛle lo gbogo.

⁵ Faa jæle kpoyi mbele pàa pe jigi wi taga Yennele li na, pa pàa pye na pe yee fere ma. Pàa pye na pe penε pe senre ti nuru.

⁶ Pa Sara la pye ma, wila pye naa pɔɔ Abirhamu wi gbogo naa yinri fɔ: «Na tafɔ.» Na ye kaa kajenge piin, na ye jatere wii piri ye na fyere ta kpe kala na, pa ye yaa kannga mbe pye wi setirige sumborombiile.

⁷ Yoro nambala wele fun, yaa ye yinwege ki piin ye jæle pe ni tijinliwe ni, yege jen ye yo pe wire ti fannga kɔ kologo ma wε ye wogo ki na. Yaa pe gbogo, katugu Yennele li yinwege nga kan paa yarikanga yen, ye yen ki korɔɔ lifenne yeenle pe ni. Kiga pye ma, pa yaraga ka se ye Yennele yenrewe pi yerege.

*Mbaa jɔɔ kasinɔge
nga mà pye ki kala na*

⁸ Ko ki ni fuun punɔ na, ye ni fuun ye ye jatere wi pye nunɔba, yaa ye yee yinriwe taa, ye ye yee ndanla paa nɔsepiile yen. Leele pe yunɔbɔɔɔ mbaa ye taa, yaa go sogo yaa ye yee kaan.

⁹ Yaga ka lere kapege fɔɔ tɔn kapege ni, nakoma mbe tɔgele fɔɔ tɔn tɔgele ni. Een fɔ, yaa duwaw piin pe kan, katugu Yennele li ye yeri ko kala na, jango ye pye duwaw korɔɔ lifenne.

¹⁰ Ki yen paa yee nga na Yennele senre sewε wi yen naga yuun fɔ:

*Lere na wila ki jaa mbe yinwetanga ta,
mbe pilitanya yan,*

*wuu yee yigi senpere yogo ki ni,
wuu yɔn ki yigi yagbogowo senyogo ki ni.*

¹¹ *Wi punɔ le kapege ki ni wila kajenge piin.*

Wila yeyinḡe ki lagajaa wi mara ki na;

*12 katugu we Fɔ wi yeḡe yen lesinmbele pe na,
wi nunḡbolo yen pe yenrewe pi na.*

Ɛen fɔ, wì yiri kapere pyefenne pe kɔrɔḡ.†

13 Na yaga bala mbaa kajenḡe piin, ambo wi yaa kapege pye ye na?

14 Ali na kàa pye ye yen na jɔlɔ kasinḡe ḡga yaa piin ko kala na, ferewe yen ye woo. Yaga kaa fyee leele pe yeḡe, mbe ye jatere wi yaga wi piri ye na.†

15 Ɛen fɔ, yaa Kirisi wi gbogo wa ye kotooro ti na, wo wi yen ye Fɔ we. Jigi tagasaga ḡga ki yen ye yeri, lere ḡa fuun ka ye yewe senre ta ni ki wogo na, ye pye ye gbegele sanga pyew mboo yɔn sogo.

16 Ɛen fɔ, yaa ki piin kotoyinḡe ni yaa pe gbogo. Ye nawa jatere jennḡe ta, janḡo na pe kaa ye mɛpege yinri, mbele pe yen na senpere yuun ye tangalomɔ jembe mba yaa tanri Kirisi wi ni pi na, fere mbe pe yigi pe senre ti kala na.

17 Na kaa pye ki yen Yennḡele li nandanwa kala yaa jɔlɔ kajenḡe pyege ki kala na, ko mbonro yaa jɔlɔ kapege pyege kala na ko na.

18 Kirisi wo jate wì ku kusaga nunḡba wagati wi ni fuun woo leele pe kapere ti kala na, wo ḡa wi yen sinḡe wì ku mbele pee sin pe yɔnlɔ, janḡo mbe kari we ni Yennḡele li kɔrɔḡ. Pàa wi gbo wire to kanḡɔlɔ, Ɛen fɔ, wi yen yinwege na naa, Yinnekpoyi li fanḡa na.

19 Ki Yinnekpoyi li fanḡa ki na, wì kari yere ma saa Yennḡele senre yo kuulo pe yinḡele ḡgele wa kaso ke kan,

† **3:12 3.10-12:** Yuuro 34.13-17 † **3:14 3.14:** Eza 8.12-13

²⁰ ko kɔrɔ wo yen fɔ leele mbele pàa je Yenɲele li sɛnrɛ ti na faa, pe yinɲgele wele. Yenɲele làa ki kun li yɛɛ ni ma pe sige ma saa gbɔn Nowe wi tɔnmɔkɔrɔ gbɛɲge ki tɛpiliye yi na. Leele jɛnri pàa ye wa ki tɔnmɔkɔrɔ gbɛɲge ki ni, ko kɔrɔ wo yen leele kolɔtaanri, ma sho tɔnmɔ pi kɛɛ.

²¹ Ki tɔnmɔ pìla pye batɛmu wi yanlɛɛ, ɲa wi yen na ye shoo yinɲɔ. Ki batɛmu wi woro mbe wire ti woli mbe fyɔngɔ ko laga ti na, ɛɛn fɔ wi yen mbe Yenɲele li yɛnri, li ye kan nawa jatere jɛnɲɛ ni naa Zhezu Kirisi wì yen ma yiri wa kunwɔ pi ni ki fanɲga na.

²² Zhezu Kirisi wo wì kari wa yenɲele na, wi yen wa Yenɲele li kalige kɛɛ ki na. Wi yen mɛrɛgɛye poro naa fanɲga fɛnnɛ naa yawa fɛnnɛ mbele fuun pe yen wa naayeri pe go na.

4

Tangalɔmɔ fɔnmɔ

¹ Kì kaa pye Kirisi wì jɔlɔ wa wi wire ti ni, ki kala na, yoro fun ye ko jatere pyewe nuɲgba po lɛ pi pye paa ye malingbɔnyaara[†] yen; katugu lere ɲa kaa jɔlɔ wa wi wire ti ni, wo ma laga kapege pyege ki na.

² Mbege lɛ yinɲɔ wo na, yinwege sanɲga ɲga kì koro ye pye laga dunruya wi ni, ye daga mbaa ki piin mbaa yala Yenɲele li nandanwa kala lo ni. Yaga kaa ki piin mbaa yala leele pe jogo kagala koro ni.

[†] 4:1 4.1: *Pi pye paa ye malingbɔnyaara yen: Ko kɔrɔ wo yen ye ɲgbeli kapege ki ni yege yaga.*

³ Katugu wagati ɲa yè pye ma toro, na tanri na yala mbele pee sheri pe nandanwa kagala ke ni, wì yala ma. Ki sanga wi ni, yàa pye na ye yinwege ki piin wa kalikalawa pi ni, naa jogo pere ti ni, naa sinwɔɔ ti ni, naa lindanwa ndorogo naa sinwɔɔ ndorogo ki ni, naa senre sunmɔ tipewe pi ni.

⁴ Yingo ni, mbele pee sheri pe yen na kawa ma yo ye woro na pinlele pe ni mbaa ki kalikalawa ndorowo pi piin naa. Ki pye ma, pe yen na ye mege ki jogo.

⁵ Eɛn fɔ, pe yaa ka pe kapyere ti yege yo Yenɲele li kan, lo na li yen ma gbegele mbe kiti kɔn weele poro naa kuulo pe na we.

⁶ Ko kì ti Sentanra tila yo fun ma kuulo pe kan sanga ɲa ni pàa pye yinwege na we. Kunwɔ kiti wila kɔn pe na paa yege ɲga na ki yen na piin leele pe ni fuun pe na we. Sentanra tì yo ma pe kan, jaŋgo Yinnekpoyi li fanɲga na pe pye yinwege na paa yege ɲga na Yenɲele li yen yinwege na we.

*Yaa Yenɲele li yarikanra
ti wele jenge*

⁷ Yaara ti ni fuun ti kɔsanga wì yongo. Ki kala na, ye pye tijinliwe fenne, ye ye yee yingiwe jen, jaŋgo ye ya yaa Yenɲele li yenri.

⁸ ɲga kì we kala li ni fuun na, ko yen fɔ ye ye yee ndanla jenge, katugu *ndanlawa pi ma kapere legere kɔ†*.

⁹ Yaa ye yee yaara woo wa ye yinre, yaga kaa ki piin mbaa kongori.

† 4:8 4.8: Yomi 10.12

¹⁰ Ye ni fuun nunḡba nunḡba yarikanga ḡga yè ta Yenḡeḡe li yeri, yaa ye yeḡe kala yḡḡo ki ni, ye pye Yenḡeḡe li yarikanra cenḡe ḡgere ti welefenne jembēḡe.

¹¹ Na kaa Yenḡeḡe senḡe yuun, wila ki piin paa Yenḡeḡe li senḡe yofḡ yen. Na kaa tunḡo piin, wila ki piin fanḡga ḡga Yenḡeḡe li kan wi yeri ko ni, jango ḡḡḡḡḡḡ mbe kan Yenḡeḡe yeri kala li ni fuun ni Zhezu Kirisi wi fanḡga na. ḡḡḡḡḡḡ naa yawa pi yen wi woo fḡ sanga pyew! Anmiina.

Mbaa jḡḡ mbege ta ma yen tagafḡ

¹² Na wennḡ, wamawelege ḡḡbanga ḡga ki yen na ye taa ndḡe ye yen na kason kḡḡḡḡḡḡ mbe yiri, ko ka ka ye pari mbe pye ndḡe kala la li ye ta, na la fa pye faa.

¹³ ḡḡḡ fḡ, yaa yḡḡḡḡḡ, katugu yè ye tasaga ta wa Kirisi wi jḡḡḡḡḡḡ ki ni[†], jango na wiga kaa ḡḡḡḡḡḡḡ pi naga sanga ḡa ni, yoro fun yaa yḡḡḡḡḡḡ ye yin nayinḡḡe ni.

¹⁴ Na pe kaa ye tegele Kirisi wi mḡḡe ki kala na, ferḡḡe yen ye woo, katugu Yenḡeḡe li Yinḡe na li yen ḡḡḡḡḡḡḡ wolo, li yen ma cen ye na.

¹⁵ Wa kḡḡe ka kaa jḡḡ ye ni, katugu wi yen legbolere, nakoma yoo, nakoma kapege pyefḡ, nakoma ḡa wḡḡ yḡḡḡḡḡḡ le wi lewee yenḡe wa kagala ni.

¹⁶ ḡḡḡ fḡ, na lere wa kaa jḡḡ, katugu wi yen keretiyeḡḡ, ko ka ka ferḡ wa wi na, wila Yenḡeḡe li sonni ki mḡḡe ḡga kila yinri wi na ki kala na.

[†] **4:13 4:13:** Ko yen naga nari ma yo pe yen na jḡḡḡḡḡḡḡ fun paa yeḡe ḡga na Kirisi wila jḡḡḡḡḡḡḡ we.

17 Kiti kɔngɔ ki yaa lɛ wagati ɲa ni wì gbɔn, pa kiti wi yaa si keli mbe kɔn Yɛnɲɛlɛ li leelee poro na gbɛn. Na kaa pye kiti kɔngɔ ki yaa peli woro na, mbele pè je pee taga Yɛnɲɛlɛ li Sentanra ti na poro kɔwɔ po yaa ka pye mɛlɛ?

18 Ki yɛn paa yɛgɛ ɲga na Yɛnɲɛlɛ sɛnrɛ sɛwɛ wi yɛn naga yuun ma yo fɔ:

*Na kaa pye lesinmbele poro showɔ po yɛn ma ɲgban,
lepeelee naa kapege pyefɛnnɛ poro wogo ko yaa ka pye mɛlɛ?†*

19 Ki kala na, mbele pe yɛn na jɔlɔ ma yala Yɛnɲɛlɛ li nandanwa kala li ni, pe daga mbe koro mbaa kajɛɲgɛ piin mbe pe yɛɛ telege pew Dafɔ wi na, wo ɲa wi yɛn sɛnrɛ nuɲgba yofɔ we.

5

Mbaa Yɛnɲɛlɛ li simbaɲgelege ki wele

1 Legilizi leleele mbele pe yɛn ye sɔgɔwɔ, mi yɛn na yuun poro ni yingɔ. Mi fun mi yɛn legilizi lelee wa. Jɔlɔgɔ ɲga Kirisi wì jɔlɔ mi yɛn ki sɛrɛ. Mi yaa kanla tasaga ta wa gbɔgɔwɔ mba pi yaa ka naga we na pi ni. Mi yɛn na pe yɛnrɛ na yuun fɔ:

2 Yɛnɲɛlɛ li simbaɲgelege† ɲga ki yɛn ma telege ye na, yaa ki wele paa simbaala kɔnrifɛnnɛ yɛn. Yaga kaa ki piin ki pye fanɲga kala ye yeri. Ɛɛn fɔ, yaa ki piin nayinmɛ ni mbe yala Yɛnɲɛlɛ li nandanwa kala lo ni. Yaga kaa

† 4:18 4.18: Yomi 11.31 † 5:2 5.2: *Yɛnɲɛlɛ li simbaɲgelege: Ko ki yɛn tagafɛnnɛ wele.*

ki piin penjara jaga kala na, εεn fɔ, yaa ki piin kotojɛɛ ni.

³ Mbele Yεnɛɛ li telege ye na, yaga ka cεn pe go na fanɲa na, εεn fɔ, ye pye simbangbelege ki yege nagafenne.

⁴ Kona, na Simbaala konrifenne to† wiga kaa yεε naga, pa ye yaa gbogwo wunluwo njala ta, na li se jɔɔ.

⁵ Yoro lefɔnmbɔlo wele fun, yaa leleεε pe senre ti nuru. Ye ni fuun yaa ye yεε kala yɔngɔ go sogowo ni, katugu Yεnɛɛ senre sεwe wi yen naga yuun ma yo fɔ: «Yεnɛɛ li yen na wiin mbele paa pe yεε gbogo pe ni, εεn fɔ, li yen na yinme kaan mbele pε pe yεε tirige pe yeri†.»

⁶ Ki kala na, ye ye yεε tirige wa Yεnɛɛ li fanɲa gbogɔ keε ki nɔɔ, janɲo li ka ye yirige wagati ɲa li tege wi ni.

⁷ Ye ye jatere legerε ti ni fuun ti le li keε, katugu ye kala li yen ma gbogɔ li yeri.

⁸ Ye ye yεε yingiwε jen ye koro yenmbele! Katugu ye winfɔ Sotanla wila yanri na mari paa jara gbelefo yen, lere ɲa wi mbe ya ta mbe ka, wo wila lagajaa.

⁹ Ye yege sin wa tagawa pi ni, ye yere yaa wiin wi ni, yege jen ye yo ye sefenne mbele pe yen laga dunruya wi ni, ki jɔlɔɔ nungba ki yen na poro fun pe taa.

¹⁰ Na yaga jɔlo wagati jenri ni mbe kɔ, Yεnɛɛ na li yen yinme pi ni fuun fɔ, lo jate li yaa ye sin mbe ye yɔn fili, mbe yeresaga kan ye yeri, mbe

† 5:4 5.4: *Simbaala konrifenne to: Wo wi yen Zhezu Kirisi we.* † 5:5 5.5: Yomi 3.34

fannga le ye ni mbe ye kan ye yere jεngε. Lo li ye yeri ye ye tasaga ta wa li gbogowo mbakoo pi ni, naa ye pye nungba Zhezu Kirisi wi ni we.

¹¹ Yawa mbe pye li woo fo sanga pyew! Anmi-ina.

Sharaga pungo wogo

¹² Sefo Siliven† na wi yen tagawa ni, wo wi pye na sagafɔ maga sewε jεε na wi yonlogo, a muu torogo ye kan. Muu torogo ye kan mbe kotogo kan ye yeri mbege yo mbege filige ye kan fo ki yinme mba po pi yen Yenhele li kaselege yinme we, ye koro ye mara pi na.

¹³ Legilizi na wi yen wa Babiloni tara, wo na Yenhele li wo paa ye yen, wi ye shari. Mariki na wi pye na pinambyo wa tagawa pi ni, wi ye shari fun.

¹⁴ Yaa ye yeε shari yaa keyen waa ye yeε yologo ndanlawa ni.

Yoro mbele fuun ye yen Kirisi wi woolo, yeyinngε mbe pye ye ni!

† 5:12 5.12: *Siliven: Wo nungba wo pe maa yinri Silasi.*

**Bibulu Jinmiire ni
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

a4863791-1c91-5f31-9a8f-034a18a2f8d8